

Ղարաբաղյան պրոբլեմը, մեր ազգային գերխնդիրը մտած է պրկված զսպանակի, այն ինչքան ձգվում, այնքան ահագնանում է: Վկայությունը՝ վերջին օրերի հուզումները, ժողովուրդը վերստին պեկոծվել է՝ գործադուլներ, դասադուլներ, միտինգներ ոչ միայն Արցախում, այլև այստեղ՝ մայր Հայաստանում:

Ի՞նչ իրավիճակ է հիմա այնտեղ, ի՞նչ է լինելու վաղը և առհասարակ, այս և համամասն հարցերի պատասխանն ըստանալու նպատակով երեկ գրուցեցիք ՂՂԽ-ի հատուկ կառավարման կոմիտեի անդամ, մարզի ժողովրդահսկողության կոմիտեի նախագահ ՎԼԱԴԻՄԻՐ ԹՈՎՄԱՍՅԱՆԻ հետ: Ստորև ներկայացնում ենք այդ հարցազրույցը:

— Ընդհանուր տիրող իրավիճակը հայտնի է բոլորիս, խնդրում եմ համառոտակի ներկայացնել ի՞նչ է կատարվում մարզում, մասնավորապես Ստեփանակերտում, հենց այսօր:

— Ծարունավում է գործադուլը բոլոր հիմնարկ-ձեռնարկություններում, նույնիսկ գյուղատնտեսական անասնատուն: Գործադուլն արդեն կրում է քաղաքական բնույթ, ընդունել է քաղաքական պայքարի ձև, քանի որ Ղարաբաղի ժողովուրդը սպասել է մյուս ձևերը: Մենք հասկանում ենք, որ դա վնասում է մարզի տնտեսությանը, յուրաքանչյուր ընտանիքի, ամեն մի ղարաբաղցու, բայց այլ ելք չկա:

Անիմաստ գործադուլ չի լինում, ղարաբաղցիները դիմելով այդ քայլին, հետևյալ պահանջներն են դնում: Գլխավորը, հատուկ կառավարման ձև մտցնելուց հետո վերջ դնել հանրապետության կողմից մեր գործերին խառնվելու շարունակվող քաղաքականությանը: Մյուսը, վերականգնել մարզային կուսակցական, խորհրդային մարմինների գործունեությունը: Եվ երրորդը (որն, ի դեպ, ծնեց ընթացիկ գործադուլը), դադարեցնել հանրապետության կողմից աղբյուրեզանական գյուղերում լայնորեն ծավալված սոցիալ-տնտեսական զարգացման աշխատանքները:

Դրությունն այսպիսին է. ազգամիջյան հարաբերությունները գնաղով լարվում են և հղի են անկանխատեսելի հետևանքներով: Ընդունելով այդ ամենը, մենք՝ ընկեր Մ. Ս. Գորբաչովին հղած բաց նամակի 14 հեղինակներս, դիմել ենք մարզի հայ բնակչությանը՝ ցուցաբերել սթափություն և բանակամոթյուն, չենթարկվել ոչ մի պրոպագանդայի, ստեղծել քարենորմալ պայմաններ մոսկովյան սպասվող հանդիպման համար:

— Հոգնե՞լ ենք կիսատ-պըռատ, Պարույր Սևակի բառերով ասած՝ «մանրաքանդակ պաղ խոսքերից», մանավանդ սուտ ու պատիր խոստումներից, ժողովուրդը ճշմարտության է կարոտ, մեղք է ժողովուրդը: Ուստի՛ն՝ ժուռնալիստի իմ պարտքն է անպայման տալ հետևյալ հարցը, պաշ-

տոնյալի ձեր պարտականությունը՝ ասել ճշմարտությունը. արդյո՞ք ժամանակ չառելու կամ ինչ-ինչ նրկատառումով թելադրված տակտիկական քայլ չէր կառավարման հատուկ կոմիտեի ստեղծումը կենտրոնի կողմից: Իրատես լինե՞ք. երկու ամիս առաջ երբ եղա Արցախում,

# ԱՐՑԱԽ. ԲԱՑ ՎԵՐԲ

ինձ թվաց, որ կոմիտեն կոչված է միայն տարբեր բնույթի ու տևողության ժողովներ անելու: Ծիշտն ասած, չեմ հավատում, որ աղբյուրեզանական գյուղերում շինարարություն կատարվի, այն էլ օրը ցերեկով, բայց կոմիտեն չի մանա...

— Ըստ սահմանադրության մասն քարո իրավիճակում իրոք պիտի ստեղծվեր այդօրինակ մի մարմին: Եվ քանի որ երկրում համամասն փորձ չըկար, մենք՝ ղարաբաղցիներս և կարծում եմ նաև Հայաստանում, կոմիտեի ստեղծումը ընդունեցինք որպես պրոբլեմի քաղաքական լուծման առաջին քայլը: Բայց չորսամսյա փորձը ցույց է տալիս, որ նախնական եզրահանգումը հիմքեր չունեք, քանի որ կոմիտեն իր ամբողջ գործունեությունն ուղղել է լուկ Լեռնային Ղարաբաղի սոցիալ-տնտեսական հարցերի լուծմանը: Մենք մեր ժողովրդի ապրելակերպի բարգավաճմանը դեմ չենք, կուզենայինք օգնել կոմիտեին այդ հարցերի լուծման գործում, բայց, արտահայտելով Ղարաբաղի հայ բնակչության իղձը, ուզում եմ նորից պնդել, որ գլխավորը հարցի քաղաքական լուծումն է, այսինքն միացումը Հայաստանին:

Ասե՛նք, մեր երկրում ժողովների դերը մեծ է անհետաձգելի, հրատապ հարցերի լուծման գործում: Այս դեպքում էլ այդպես է: Ինչ մնում է կոմիտեի օրյակների կառուցմանը, ուզում եմ ձեզ նս հարցնել, որ կոմիտեն այդ կառուցումների, շինաշխատանքների մասին տեղյակ էր: Ես ի պաշտոնե ժամանակին ահագանգել եմ, տեղյակ պահել ղեկավարությանը:



— Ընկեր Ա. Վոլսկին դեռ փետրվարին խոստացավ մեր թերթին հարցազրույց տալ, բայց այդպես էլ խոստումը չկատարեց, դա իր գործն է: Ինձ հետաքրքրում է մեկ այլ բան. գոնե դուք և կոմիտեի մյուս հայ անդամը՝ ընկ. Ս. Բաբաջանը, ձեր միտքերում, ժողովներում հարցն այսպես կտրուկ երբևէ դրե՞լ եք՝ որ միացումը կփրկի Ղարաբաղին: Հենց այդպես, առանց պաշտոնական սեթևեթանքի... Ախր, կոմիտեին է՛լ պիտի բացատրենք, որ Ղարաբաղը պատմական Հայաստանի մի մասն է, հայերի բնիկ օրրաններից մեկը: Նույնն է, թե գոռանք, ապացուցենք, որ Լեռնահարթ-Պետերբուրգը հիմնել-չինել է Պյոտր Առաջինը, այն ոռուների քաղաքն է, ոչ թե ուրիշի...

— Ինձ թվում է ընկ. Ա. Վոլսկին խոստումը չկատարելու պատճառ ունի, պարզապես լավ բան ասելու դեռ ոչինչ չկա:

Ինչպես վերջերս ունեցած հեռուստահարցազրույցի ժամանակ ասացի, թե կոմիտեի նախագահը, թե մյուս անդամները՝ քաջատեղյակ են մարզի հայ բնակչության ցանկությունը և ամեն անգամ հիշեցնել այդ մասին՝ ավելորդ կլինեք և աննպատակ: Լավ իմացեք, մեր բոլոր գործողությունները կոմիտեի միտքերում, ինչպես նաև ամենօրյա շտաբի հավաքներում միայն այդ նպատակին են միտված: Ինչ վերաբերում է քաղաքական լուծմանն առնչվող հարցադրմանը, ապա կարող եմ ասել, որ կոմիտեին այդպիսի իրավունք չի տրված: Թեև ես համոզված եմ, որ կոմիտեի ավելի ակտիվ գործունեությունը մեծապես կարող է նրկապատել հարցի լուծմանը:

— Մեր ժողովուրդը ցնցված է օրերս հայկական հեռուստատեսությամբ ընկեր Վ. Սիդորովի ունեցած ելույթից: Դառը, ցավագին իրողություն. շա՛տ ենք լավատես, արտասվելու աստիճան հուզվում-հրճվում ենք, երբ իրական բաներ են ասում, թեկուզ ուշացումով: Ինչո՞ւ, օրինակ, իբրև հատուկ կոմիտեի անդամ նա կամ ձեզանից մեկն ու մեկը օրյակտիվ խոսք չի ասում կենտրոնական մամուլի էջերում, որպեսզի բոլորն ի վերջո հասկանան, որ մեր շարժումը էքստրեմիստական, նացիոնալիստական և էլի չգիտեմ ինչ-ական կիրք չէ, այլ ազնիվ և արդար պայքար:

— Վ. Սիդորովը առաջին անգամ չէ, որ հանդես է բերում օրյակտիվություն՝ ստեղծված իրավիճակին անաչտ գնահատական տալու հարցում:

Ես վստահ չեմ, որ եթե մեզանից որևէ մեկը կենտրոնական մամուլին ներկայացներ մամն նյութ, անխաթար կտպագրեին: Զեր դիտողությունն ընդունում եմ: Իրոք, այդ խնդիրը արժանի է ուշադրության, ես խոստանում եմ կոմիտեում այդ հարցը սուր կերպով դնել:

Ղարաբաղյան շարժումը հակապետականությունը, հակաառաջադիմական չէ. հարցն այդպես են բացատրում առանձին անարտասխանատու լրագրողներ, անհատներ: Այդ «հակա» պիտակավորողների թվում են աղբյուրեզանական այսպես կոչված պատմաբանները, գործիչներ, ընդհուպ մինչև քարձրաստիճան ղեկավարներ:

— 1988-ի փետրվարի առաջին օրերին, ի թիվս շատ

ու շատ իմաստուն ու ճիշտ կարգախոսների, Թատերական հրապարակում նաև այսպիսի մի լուզում էր թևածում՝ «Ղարաբաղյան շարժումը վերականուցման փորձությունն է»: Ասել կուզի, եթե արդարացի չլուծվի հարցը, նաև վերականուցում չի լինի: Երկուսս էլ կոմունիստներ ենք և քաղաքական աշխատողներ, շիտակ լինենք. մի՞թե ճշմարտությունը չէր «բարբառում» այդ կարգախոսը: Դուրս է գալիս վերականուցում լուկ խոսքով: Այդպե՛ս է Զեր կարծիքը մայիսի 10-ի մոսկովյան հերթական հանդիպման մասին: Անձամբ ես այսպես հասկացա. երկրաշարժի հետևանքների վերացմամբ զբաղվեք, ձեզ բոլորն օգնում են, իսկ դուք...

— Ամբողջ վերականուցման գործի վրա ինչպես կազդի ղարաբաղյան հարցի լուծումը, դժվարանում եմ ասել, բայց որ ազգամիջյան հարաբերություններում ոչ մի վերականուցման չենք հասնի, դրանում համոզված եմ: Ապացույց՝ խնդրեմ: Լեռնային ազգային քաղաքականության մեջ ազգերի ինքնորոշման իրավունքը գլխավոր սկզբունքն է, իսկ արցախյան պրոբլեմը հենց այդ սկզբունքով պետք է լուծել:

Ես արդեն ասացի, որ հատուկ կառավարման կոմիտեին միտքենական մարմինները չեն արտոնել հարցի վերջնական լուծման իրավունք: Ինչպես հայտնի դարձավ նոր հանդիպումից, կոմիտեին տրր վել են նոր արտոնություններ: Եթե դրանք կօգնեն վերջնական լուծման, ես շատ ուրախ կլինեմ...

— «Ղարաբաղ» կոմիտեի լիդերների մասին ձեզ հայտնի է, նրանք այս էլ քանի ամիս մեզ համար գոնե անորոշ-անիմաստ նստած են այնտեղ, իսկ «Կոռնկի» անդամների վիճակը ո՞նց է:

— Ծիշտն ասած, ես լավատեղյակ չեմ: Ինձ այսպես է թվում. թեև «Ղարաբաղ» կոմիտեի անդամների ձեռքավորումը այլ ձևերով է բնորոշվում, սակայն թերևս կրում է քաղաքական բնույթ, քանի որ այն կապված է մեր շարժման հետ:

Ինչպես հայտնի է «Կոռնկ» անվան տակ գործել է մարզի հիմնարկ-ձեռնարկությունների ղեկավարներից խորհուրդ, որն առաջնորդում էր ղարաբաղյան հիրավի հավաժողովրդական շարժումը, և մեծ հարգանք ուներ ժողովրդի մեջ:

— Ուրիշ ինչ կասե՞ք մեր ընթերցողներին:

— Պայքարել և հուսալ միմյան միացում...

Հարցազրույցը վարեց՝ Հակոբ ՄԱՐՏՈՒՆԻՆ